

石頑先生明宮雜詠



賞花居士藏

明宮雜詠卷四 孝宗 武宗上

洪洽宮詞十首 附錄六首

和女學士沈瓊蓮宮詞五首

銅釘行

松江布歌

御簾歌

正德宮詞十首 附錄十二首

內教場歌四首 附錄六首

明宮雜詠卷四目錄

一 湘溪館叢書



明宮雜詠卷四 孝宗 武宗上

長沙 饒智元

珊叔

洪治宮詞十首

南窗晴雪夜飛香一樹梅花冷月光宮禁淒清燈欲

施金鍼還繡紫鴛鴦

暖姝由筆張學士元禎洪治間在翰林傳一宮人
詩曰金針刺破南窗紙偷引寒梅一線香螻蟻也
知春富貴倒拖
花片上宮牆

池上芙蓉露泣香玉階人靜月如霜薰鑪細撥沈香

火七十六鈴秋夜長

明宮雜詠卷四 孝宗

一 湘深館叢書

宸垣識略明制皇城外紅鋪七十二座鋪設官軍
十人夜以銅鈴七十有八貯東安右門初更遣軍
人一一搖振環城巡警歷西安北安東安二門俱
會長安左門而止每十鈴以兵部火牌一面後復
造木牌五十六面付五門驗發鈴收鈴之數宏治
間失二鈴共七十有六一一交遞盡而天明矣

河燈分點碧波寬毓秀池亭怯夜寒西苑今宵設齋

醮外廷有奏撒幡竿

孝宗實錄宏治十一年七月太監李廣奏欽安殿
設齋醮當用幡竿工部尙書徐貫等謂非祖宗舊
制且宮禁之內不宜用此上曰是其勿造 月山

叢談宏治中太監李廣以左道見寵權傾中外戊
午歲建毓秀亭於萬歲山下既成適小公主患痘
廣飲以符水遽殤未幾清甯宮災有謂建亭年月
不利故有此災太皇
太后怒廣懼飲酖死

玉硯春生已解冰紫羅斑管御筵橫承恩豔說施文
用親得君王賜與名

戒菴漫筆朝廷用筆每月十四二十日兩次進御各二十管冬用綾管裏襯以綿春用紫羅至夏秋用象牙水晶玳瑁等皆內府臨時發出製造宏治中吳興筆工造筆進御有細刻小標記云筆匠施阿牛孝宗鄙其名易名曰施文用至今猶然

南宮桃李豔旌旂曲宴笙歌萬歲樓黃帕手題金縷
合簾前頒賜壽甯侯

弇州山人稿宏治宮詞急遣追鋒召外家南宮桃李正如霞自從光祿裁宣索長日從容且賜茶黃帕朱奩覆御羞手題頒賜壽甯侯昆明督亢從渠請今日臺官在殿頭

明宮雜詠卷四 孝宗 一 湘濠館叢書

紅藥臺前夜氣清宮槐風拂露珠輕鴉啼金井月初
墮臥聽蓮籌報五更

弇州山人稿宏治宮詞禁苑先朝紅藥臺御筵親爲兩宮開莫嫌宮監希恩賞玉輦何曾更一來午槐圓影覆彤除今日天顏喜氣舒穩坐御牀無一語但稱難得老尙書靜數蓮籌第五更寒鴉金井未分明披衣欲坐猶疑
早前殿連傳警蹕聲

鴛鴦烟寒咽禁鐘四條絃索任塵封三千粉黛如桃
李只有中宮雨露濃

弇州山人稿宏治宮詞甲帳銀燈夜未央漸看鴛鴦有寒霜三千粉黛渾如掃聖主重繙日講章琵琶雙鴿暗凝塵玉指生疏調未勻自是經筵無曲宴不愁供奉數中人掖庭愁閉自年年今日承恩

兩露邊又是鋪宮新例薄空勞少府積金錢 野
獲編宏治末年孝康皇后張氏擅寵六宮俱不得
御進

鋪宮忘卻舊時儀甲帳朝朝學畫眉魚貫空聞占吉
夢傳餐分得御前鱠

弇州山人稿宏治宮詞雪乳冰糖巧簇新坤甯尙
食奉慈綸祈年好在齋宮宿莫遣羊車別院頻五
月鱠魚白似銀傳餐頗及後宮人躊躇欲罷冰鮮
遲太廟年年有薦新 野獲編歷朝大行山陵凡
生時殯御已逝者及他日亡者俱得陪葬陵寢或
近陵之金山歲時脩食於本陵之享殿俱得標名
沾祭惟孝宗止有孝康皇后寶山雙時卽泰陵祭
祀更無一妃旁侍脩食益上自青宮婚後未幾登
大位無論魚貫承恩卽尋常三宮亦不
曾備以至於上仙眞千古所無之事

明宮雜詠卷四 孝宗

三 湘溪館叢書

太平無事自歡娛七字奎章照殿隅綵線結成長命

纏丹砂書就辟兵符

野獲編聞之先輩云孝宗在御日遇午節曾於便
殿手書一桃符云綵線結成長命纏丹砂書就辟
兵符蓋聖主好文宴衍自
娛又與後聖不同如此

御膳今朝不進魚青袍長御省愆居天顏消瘦緣何
事只爲司農水旱書

弇州山人稿宏治宮詞御前黃蓋進羹湯玉筋頻
停不肯嘗應是司農聞水旱蹙眉時讀兩三行

附錄六首

繼室 張起鳳 晚芬

南宮曲宴管絃柔紅藥臺前月色流露溼庭槐羅

袖薄沈檀薰罷不勝愁

側室
胡淑 蓉初

紅梅欲落暗香殘
春月溶溶碧殿寒
斜凭玉牀愁不寐
洞簫吹罷莫憑欄

兄女
運權 綺雲

春來紅藥繞闌干
荳蔻香消錦袖單
夢斷西窗金燼暗
鈴聲淒咽雨聲寒

女
運儀 幼雲

瑤階芳草漸成窠
寂寂南窗月影多
落盡梅花春

明宮雜詠卷四 孝宗

四 湘陰館叢書

殿冷玉輿經歲不曾過

女
運璵 宛雲

夜涼金鎖絕鳴鑾
花裏樓臺春殿寒
吹滅窗前九微火
宮鶯啼上玉闌干

西宮人靜月如霜
獨步階前夜色涼
斜拔玉釵敲砌竹
落花飛入撲簾香

和女學士沈瓊蓮宮詞五首

薄羅衫袖雅相宜
偷把銀簫細細吹
香露一簾秋月
上芙蓉小殿納涼時

碧桃花發去年枝斜倚薰籠若有思簾幙四垂春寂
寂玉釵敲出斷腸詞

鳩鵲樓頭曙色催嵩呼前殿殷春雷九天清樂隨風
遠遙見昭儀引駕回

濛濛花霧碧窗冥熱罷沈檀午夢醒春晝迢迢無一
事好教鸚鵡誦書經

江硯宣毫拜賜榮內家叢裏自分明掖庭親試三千
女曾是臚傳第一名

靜志居詩話烏程女子沈瑩中初入掖庭秦陵試
以守宮論發題云甚矣秦之無道也宮豈必守哉

明宮雜詠卷四

孝宗

五 湘洋館叢書

奉陵大悅擢居第一給事禁中授女學士吳興人
至今呼爲女閣老瑩中在大內暇飼白鸚鵡教之
誦尚書無逸篇此宜載之彤管者也 明詩綜沈
瓊蓮字瑩中宏治初選入掖庭宮詞云翠絲蟠袖
紫羅襦偷把黃金小帶輪中使傳宣光祿宴內家
學士出新除青霧濛濛翠碧窗青燈的的燦銀鈿
內人何處教吹管驚起庭前鶴一雙豆蔻花封小
字絨寄聲千里落雲帆一春從不尋芳去高疊香
羅舊賜衫天子龍樓瞥見妝芙蓉團殿試羅裳水
風涼好朝西坐專把書經教小王明窗棂几淨爐
熏閣闥仙書小篆文書永簾垂春寂寂碧桃花映
石欄裙又寄兄云疏明星斗夜闌珊玉貌花容列
女官風遞鳳凰天樂近雪殘鳩鵲曉樓寒昭儀引
駕臨丹展尚寢熏鑪紫檀肅肅六宮懸象魏春
風前殿想鳴鑿又送弟溥試春官云銀燭燒殘空
有夢玉釵敲斷未成歸 異林沈氏秀州人少選
入宮爲給事中孝宗試六宮守宮論沈文最佳擢

欽定圖書集成沈瓊蓮宮詞尙儀引見近龍牀御筆
規題墨色香幸得唱名居第一沐恩舞蹈謝君王
曉臨鸞鏡整梳妝高髻新興一尺長花影鎖窗人
下直開籠自放雪衣娘簾柳青青燕子愁萬條齊
水弄春柔東風不與閒人贈誰去江南水上洲
列朝詩集女學士沈氏宮詞倦把青絨繡紫紗閣
針時復卜燈花明朝太后長生誕可有恩波遍及
麼海東青放渡遠烟天上群鵝得自專勅諭鷹坊
高索價聖王
廿載絕遊畋

銅釘行

皇親入禁城觀燈非祖制二齡同日封所爲益橫恣
錚錚楊與胡投荒禦魑魅夢陽在獄中上書流涕淚
吁嗟臺諫臣見此皆心悸銅釘夜有聲直諫殺奄寺
所職在宮門縱奸乃尸位草疏泣鬼神抗言懼車騎
君王赫然怒汝乃一宮侍究問主使誰寺人悔識字
孔子曰成仁孟子曰取義吁嗟蟻蝨臣乃有奇傑志
不刪巷伯詩宣尼寓微意

明宮雜詠卷四

孝宗

六

湘琛館藏書

近峯紀略宏治間太監何文鼎以皇親入禁城觀
燈諸事極言下錦衣衛雜治究所主者文鼎曰有
兩人孔子孟子也 酌中志孝廟時皇親恣橫太
監何文鼎掌乾清門心不平引祖宗家法極言直
諫芳草疏時燈下膳眞有一楨在門傍立者忽一
步一步步行至案前文鼎怒罵曰我爲國進言爾何
物么麼敢阻我耶疏上上大怒繫詔獄雜追治之
務究所主使者文鼎慘毒備嘗曰有兩人俱山東
籍貫不可拘按訊者曰姑言之對曰孔子孟子也
文鼎既死猶能於禁中拽銅釘作聲若稱冤者上

亦感悟特令勒石以祭 彤史拾遺記張皇后孝
宗后也興濟人父巒母金夫人夢月入懷生后后
當適人其所當適者忽大病及選爲太子妃則前
所當適者病已孝宗卽位立爲后篤愛宮中同起
居無所別寵有如民間伉儷然者巒自都督同知
封壽寧伯其卒也加贈昌國公子鶴齡嗣侯而鶴
齡弟延齡亦從都督同知進封建昌伯竝加保傅
其他羣從以后故受中書舍人及錦衣百戶諸官
者不可勝數帝又爲后立家廟於興濟土木闋麗
明世外戚之甚無過張氏者后知大體不干預政
事而外家稍盛多側目帝陰爲之解山東副使楊
茂元以河決論事言水陰象失職以后故后怒甚
必殺茂元上爲后徵茂元至薄謫之而御史胡獻
論延齡鶴齡上下之獄竟解戶部主事李夢陽言
二齡二齡奏夢陽謗訕母后當斬金夫人入泣訴
上下夢陽詔獄他日上與后夜游南宮二齡侍酒
半上召鶴齡膝前解之曰毋使我以外戚殺諫臣
鶴齡免冠謝乃已帝之所以內應后而外處羣臣

明宮雜詠卷四

孝宗

七 兩條館叢書

若此 后生武宗及蔚王厚煒至武宗卽位尊爲皇
太后正德五年加慈聖皇太后武宗崩太后委政
楊廷和散豹房收江彬神周下獄罷威武團練官
軍革皇店旂校而遣各邊鎮守太監之在京者凡
喇嘛哈密諸屬國畱侍者皆使還國一切政務皆
整飭儲備以待世宗世宗入嗣加稱聖母昭聖慈
壽皇太后己而復進聖母昭聖康惠慈壽皇太后
上初母太后己用張總議母本生太后而以后爲
皇伯母居仁壽宮十五年進昭聖恭安康惠慈壽
皇太后二十年八月辛酉崩諡曰孝康靖肅莊慈
哲懿明天贊聖敬皇后合葬泰陵主祔廟后正位
中宮侍孝宗者十八年歷武宗朝爲太后十六年
及世宗嗣位又二十年其長年享尊宮中比之孝
誠張太后獨太后定策迎立世宗而世宗事之不
以禮初興國太后迎入宮后尙以藩妃相視稍抑
之及上入朝后后頗倨上以此銜后當大婚時初
傳昭聖旨而卽以壽安易之及三年二月興國太
后誕節敕命婦朝賀燕資倍常至后誕獨免賀修

撰舒芬具疏言昭聖誕節乃陛下承歡之會所當聚天下歡心以奉事其親者也今遽傳免賀遠近驚疑宜別降綸音以彰至孝敕奪俸三月御史朱瀚言昭聖手攜神器親授陛下母子至恩天日昭見幸值千秋義應請賀縱母后固辭陛下猶宜敦請幸可以傳免之旨出自陛下命逮詔獄又御史馬明衡言暫免朝賀在平時則可當此議禮紛更之時忽聞報罷安得無疑使此旨出自太后則必有因事拂鬱生今昔之感此不可不有以慰之若出聖意則母后在宮恩同一體豈可以本生嗣統分等殺哉下北鎮撫拷訊已而御史陳逅季本員外郎林惟聰又言陛下以宮闈之故罷及言官其於本生正統之義軒輊已極忠臣義士尚敢忼慨言天下事乎并逮訊之會后弟延齡爲人土變以殺人謀逆坐族誅刑部尚書聶賢覆言無左證即有謀亦未成世宗怒曰論謀逆者謀不謀耳以成否耶詰責賢等使急促窮治太后皇恐無所出會哀冲太子生太后請入賀上知太后欲有言謝不

明宮雜詠卷四

孝宗

八 湘濠館叢書

見太后使人請亦不許閣臣張孚敬乃上奏曰延齡過惡有之願竇未反且孝宗皇帝獻皇帝兄也延齡其懿親陛下宜推獻皇帝友愛之情以全椒房之誼毋傷伯母心世宗降手書曰親不過同姓同姓爲逆其能免乎天下者高皇帝天下孝宗皇帝守高皇帝之法者卿慮傷皇伯母心亦慮傷高孝二廟心邪孚敬復奏曰臣何敢爲延齡游說但臣受恩重不敢不對當陛下嗣統時昭聖太后欲子陛下在朝諸臣亦曾多設謬妄惑娛太后陛下獨用臣言排破眾議孝隆所生始尊太后曰伯母然而朝士歸過陛下至今未已茲者延齡被罪大顧哉誠幸太后一旦不得所安以深陛下之過耳夫謀逆之罪滅人種類必欲成獄當坐族誅昭聖皇太后獨非張氏人乎臣又不審陛下何以處此世宗乃第坐延齡殺人罪絞降鶴齡南京錦衣衛指揮會冬月慮囚上欲卽誅之令考問漢薄昭故事孚敬又奏曰明律皇家袒免以上親太皇太后

皇太后總麻以上親皇后小功以上親皇太子妃大功以上親犯罪當議公侯誓券有免死文延齡戚則皇太后親也爵則侯也宜緩與否似應議上曰且爲卿已旣而有男子班明者奏鶴齡私通益莊王造符咒壓帝星上逮鶴齡道死而市人劉東山者陰賊人也以他事繫獄與延齡居延齡久繫怨望時探撫故事寫成帙題其端曰君道不明東山竊取之他日牢吏弛延齡錙繫繼東山東山不受繼吏咎焉東山忿因挾延齡手書上奏奏及吏上復大怒曰死革無君果矣召赦東山加延齡罪斬而罰諸刑部官前後弛繫者東山出益僞張疏草持喝延齡家日解衣怒馬恣行長安中百官畏之大學士夏言曰誰能治此御史陳讓曰讓能一日東山怨其父關弓射之不中父告讓讓窮捕東山東山急反誣讓諸子與延齡通並爲壓星圖壓鎮聖母皇上其圖凡五十向年班明所言皆實延齡家人往來仁壽宮盜內藏伺上動靜皆御史讓陰主之上大怒逮讓等與延齡俱移繫詔獄東山

明宮雜詠卷四

孝宗

九湘澤館叢書

因益株引所不快定國京山諸公侯俱坐繫太后至衣敝襦席藁爲延齡請上猶不許陳讓從獄中上書曰東山等結構奸黨瀆毀聖躬安連宮禁陛下有帝堯旣睦之德而東山敢言漢武巫蠱之禍陛下有帝舜底豫之孝而東山敢言暴秦遷母之事若復赦不誅則將睚眦殺人如郭解離間骨肉如江充矣且天下未有忍于弑父而可以預人家國事者唯陛下詳察書奏不省會按詔獄者指揮王佐謬與東山知次第餉之得其情牘上反坐乃始械死東山出讓等而延齡竟長繫不釋暨后崩而延齡誅矣始巒故宦族鄉貢入太學父爲夔州守有聲從兄岐爲都御史負侃侃名獨二齡以外戚故墮其家聞者悲之野獲編何文鼎供事內廷時壽甯侯張鶴齡建昌侯延齡以椒房被恩出入禁中無恆度文鼎心惡之一日二張入內觀燈孝宗與飲偶起如廁除御冠於執事者二張起戲頂之又延齡被酒奸污宮人文鼎持大瓜幕外將擊之賴太監李廣露其事僅得脫次日文鼎上疏

極諫

松江布歌

纓絰細布來茸城五色絢爛雲絲輕貴人爭購飛朱
輪論價不惜錢千緡製以爲袍穩稱身斗牛龍鳳銀
麒麟蜀錦齊紈賤作巾孝皇見此長太息以賤踰貴
傷民力詔書飛下促停織

人海記成化間松江人以布餉貴近流聞禁廷下
司府織造赭黃大紅眞紫等色龍鳳斗牛麒麟等
紋工作胥吏因緣爲奸一匹有費百金者孝宗在
東宮知其弊卽位罷之嘗閱內帑見之曰此布一
匹文綺十匹價也終身不一御自是遂絕 兪州
山人稿宏治宮詞南海珠池貢已稀西川又罷錦
女機朝來御服三經
醉賤妾甯希曳地衣

明宮雜詠卷四 孝宗

十 湘陰館叢書

御筵歌

宣和畫院不可復特開仁智居畫師神妙直數商與
石潑墨水眞模奇天下神仙難再得君王手拈鍾
欽髭那知御筆更奇絕蔣邊長技皆兼之便面傳觀
發奇采空山老樹撐枯枝含毫細寫文藻色錦鱗潑
刺搖漣漪是時明良值全盛春風六幕咸雍熙直廬
燕見拜恩澤先生倦講幽風詩什襲以藏重君賜御
爐香氣相追隨風霜兵火不能蝕孝皇仁厚令人思

丹青揮灑乃餘事於此猶見天人姿

結綺亭集明孝宗御筵記同里楊碧川太宰當明孝宗時直廬燕冕嘗邀御筵之賜其陽作空山老樹其陰作文藻游魚繪事極工有明列代孝宗最賢而丹青揮灑則又其餘也是筵自太宰時至殘明百四十年易代以來又復百年九闔之榮光五雲之椽筆渺然寄於一筵而歷劫猶存可不謂難與抑孝宗之丹青世未有知之者是又可補畫苑之遺也 四友齋叢說國朝特設仁智殿以處畫士一時在院中者人物則蔣子成胡毛則邊景昭山水則商喜石鏡馬軾李在倪端陳暹鍾欽禮王諤宋端然皆畫家第二流人 明良記孝宗嘗至仁智殿觀鍾欽禮作畫見其皴劈飛動從背後久立鍾不知也既而忽將其鬚大呼曰天下老神仙鍾遂以敕賜天下老神仙七字刻石作私印

正德宮詞十首

明宮雜詠卷四 孝宗

十一 湘涿館叢書

步搖升拜朵雲高丹陛風和動九韶扇底紅霞圍繞

處君王初受玉妃朝

彤史拾遺記沈賢妃吳德妃皆武宗妃也故事選后以二女陪選正德改元上大婚二妃陪后進慈聖太后卽命封爲妃越一月命禮官上冊妃儀上具袞冕告大行皇帝几筵預命鴻臚寺官設節冊案綵輿教坊司設中和韶樂及大樂錦衣衛設鹵簿法駕上御華蓋殿皮弁陞座傳制執事者舉節冊由殿左門出正副二使跪受制制曰正德元年九月初七日皇帝冊沈氏爲賢妃吳氏爲德妃卿等其持節行禮於是執事官舉冊置綵輿中蓋用黃鼓樂至右順門正使持節副使捧冊北向授內官內官賚之由正門入詣二妃所二妃禮服護以扇宮人隨者各擎執迎節冊入拜受之女官宣冊授二妃而以節授內官賚之出右順門授使使持節復命於是二妃謁奉先奉慈二殿几筵詣太皇

太后皇太后兩宮行禮還殿內上皮弁后禮服陞座女官導二妃詣前行禮禮畢還宮方是時二妃固嫺禮當太后意而上甫新政盡宮席之敬動各矩度一時宮中皆稱之既而賜后家及二妃家各給莊田若干頃時奸民投獻者咸謂近畿土地腴利饒當佃諸近畿而近畿之不便者多怨望至嘉靖改元奸民規世宗意薄無復舊戚恩遂喉之上訴而莊田盡除

毳燈夜出濯龍門萬朵銀雲擁至尊豹尾車中誰第

一平康小妓最承恩

弁州山人稿正德宮詞夜半毳燈出未央俄傳鞞鞞向平陽六宮處處秋如水不獨長門玉漏長教掃椒風第二房俱傳倩女出平康天宮欲曉人間事約伴相過語夕陽

榆林絕塞破重圍白草黃沙萬騎飛元帥凱旋功第

明宮雜詠卷四

武宗上

十一

一鋒車載得美人歸

武宗外紀上在陽和時西部五萬騎營玉林將入寇上命諸將分布諸要地又明日寇來攻上復督諸將禦之自辰迄酉戰至百餘合寇退明日引而西上與諸將且戰且追至平鹵朔州等邊上復進兵會大風黑霧晝晦我軍亦疲困遂還又初上駐偏頭時大索女樂于太原偶於眾妓中遙見色妓而善謳者拔取之詢其籍本樂戶劉良之女晉府樂工楊騰妻也賜與之飲試其伎大悅後自榆林還再召之遂載以歸鳥鼠山人集驚喜君王至西華夜啟扉後車三百乘載得美人歸

黃旗飄颺鳳城開回鶻新裝小隊來馬上高彈白翎

雀十三絃底隱春雷

弁州山人稿正德宮詞窄衫盤鳳稱身裁玉靶雕弓月樣開紅粉別依回鶻隊君王親自虎城來簡

詔別院奏新聲不按唐山曲裏名青
鷄白翎俱入破十三絃底似雷鳴

金鰲橋上柳吹絲新折花枝照水鮮倦倚石欄何處
去隔花催喚小龍船

西元集瓊華島東北過堰有一浦藏武皇所造烏
龍船岸際有叢竹蔭屋浦外二亭橫出水面 弁
州山人稿正德宮詞金鰲橋畔柳絲長旌艫船
頭有柘黃六院小兒初病酒御前親自過魚湯

南城風暖曉晴初玉水垂楊拂綺疏閒向紅欄西畔
立笑拋蒸餅餵金魚

紫桃軒雜綴正德中南城金魚日食蒸餅白麩二
十觔 弁州山人稿正德宮詞玉水垂楊面面裁
豹房官邸接天開行人莫愛
纏頭錦萬乘親歌壓酒杯

明宮雜詠卷四

武宗上

三

湘綵館叢書

五色雲蒸沈水香芙蓉城闕鬱金堂紫皇善說無生
法手把朱提賜法王

武宗外紀是時上誦習番經心皈其教嘗被番僧
服演法內殿 又烏思藏有西竺胡僧能言人三
世事者國人謂之活佛上久欲召之至是命司設
監太監劉允往烏思藏賚送番供以珠琲爲幡幢
黃金爲七供賜法王金印袈裟及其徒饋賜以鉅
萬計 弁州山人稿正德宮詞西師入座講蓮經
敕許姪娥取次聽纓珞寶珠從密施莫畱餘障在
宮庭 鐵巖集正德宮詞月射窗紗映畫梁芙蓉
闕北鬱金香西宮今夜停
歌舞聞道官家宿豹房

蹴毬場外步廊紆不許樓羅注起居三十六宮行樂

祕竹枝無處引羊車

武宗外紀故事宮中六局官有尙寢者司上寢處事而文書房內官每記上幸宿所在及所幸宮嬪年月以俟稽考上悉令除卻省記注掣去尙寢諸所司事遂徧游宮中日率小黃門爲角抵開趨之戲隨所駐輒飲宿不返其入中宮及東西兩宮月不過四五日

九子祠連百子池春深帳殿落花時綠窗人靜日亭

午閒向雕籠調畫眉

弇州山人稿正德宮詞百子池頭九子祠太皇恩許進香時深宮豈少宜男草何地曾沾雨露私帳殿春眠日色饒掖垣簪珥自羣僚中官又啟排當就亭午傳宣且放朝遣愁集正德好養畫眉日令光祿進子鶯數十以作食少卿楊璋上言天下民窮財盡何處得許多子鶯且傷殘物命有乖好生之義上怒諫知瀘州又正德酷愛畫眉聲或曰畫眉以新出鶯腦飼之則聲巧而善鳴遂赦光祿寺日進乳鶯腦三百作畫眉食

明宮雜詠卷四

武宗上

古湘條露蠶書

蜀馬分弼競奪籌聖人親打背身毬純銀八寶黃金豆中使擎來五鳳樓

弇州山人稿正德宮詞蜀馬分弼對打毬纖腰貼地流青油金牌銀盃從渠愛誰敢爭先第一籌純銀八寶白如霜金豆離離出尙方撒放御階憑拾取內人男子拜君王

附錄十二首

側室胡淑蓉初

花壓闌干浥露香旋翻曲譜奉君王十三絃上白

翎雀夜夜飛聲出苑牆

玉漏聲稀欲午時絲絲烟柳抱瑤池君王近日無

朝事翡翠簾前調畫眉

日高花影上簾櫳
簇簇宮衣蘸水紅
十五玉人嬌
又怯綵毬低度海棠中

高高秋月下宮城
鐘漏依稀欲五更
知是君王開
曲宴豹房深處有歌聲

女
運儀
幼雲

二月蕪城罨畫天
春來楊柳綠於烟
雙鬢十四能
歌舞齊奏新聲入管絃

九子池頭春日長
綠陰簾幙午風涼
深宮晝永無

明宮雜詠卷四

武宗上

五

湘深館藏書

人語海燕呢喃玳瑁梁

玉鼎香消日午時
參差花影上簾絲
春深太液銀
波闊親把蘭橈汎碧漪

檀板聲高出畫樓
演來新曲管絃柔
掌中舞罷天
顏喜十二珠簾盡上鉤

女
運璵
窈雲

風來珠殿落花香
百子池邊清漏長
桐影一簾無
个事銜泥乳燕入雕梁

十二闌干夜色虛
瀟瀟紅葉露如珠
五更鷄唱燈

花落門外簫聲度翠輿

臺殿高低紫氣明
恩恩走馬陣雲平
射生小隊花前過
簇簇旌旗出鳳城

南巡腸斷錦帆游
颯颯梧桐冷畫樓
月明斜照宮門外
零落殘花經幾秋

內教場歌四首

輦路風清講武臺
楮黃御幄日邊開
花深傳出將軍令
十萬旌旗拂水來

宸垣識略由太液池西南循之而北舊有臺高數丈中作圓頂小殿左右各四楹垂接斜廊懸級而升下臨射苑有馳道明武宗築以閱射名曰平臺後廢臺改爲紫光閣向北門外卽金輦坊明時幸西苑門龍舟看御馬監勇士走解蹕柳明文徵明平臺詩云日上宮牆飛紫埃先皇閱武有層臺

明宮雜詠卷四

武宗上

十六
淵深館藏書

虜一騎鳴鞭入禁城
曇鼓千番天未明
珠幢翠蓋御前營
樓頭催喚江平

國朝山左詩鈔明正德宮詞珠幢翠蓋發神京詔向

烏斯門化城內府黃金二十萬一時宣賜與西征

又正德內教場歌玉鈴翠蓋映珠旛火礮遙聞

禁裏喧一樣柘黃新
鼠甲鳴鞭直入大明門
白打

喧闐向內園
鵲弓鶴尾最承恩
傳聲催喚江平
鹵聯騎同過御苑門

教場春草綠雲鋪
威武軍容錦不如
十萬羽林黃罩

甲鵝翎宣賜老尙書

武宗實錄正德十一年二月命右都督張洪監督團營西官廳復指揮僉事神周官代洪管勇士營時江彬許泰皆以邊將得幸上好武特設東西兩官廳於禁中比團營東以太監張忠領之西以秦領之周嘗以罪坐謫因泰洪亦得進用未幾益以劉暉皆賜國姓爲義子四鎮兵又號外四家彬兼統之上又自領閩人善騎射者爲一營謂之中軍晨夕操練呼噪火礮之聲達於九門浴鐵文組照耀宮苑上親閱之名曰過錦言望之如錦也諸軍悉衣黃單甲中外化之雖金緋盛服亦必加此於上泰及周等遮陽帽上飄靛染天鷲翎以爲飾貴者飄三英次二英兵部尙書王瓊得賜一英冠以下教場自謂殊遇焉 陸峒集內教場歌雕弓豹韃騎白馬大明門前馬不下竟入內發鼓大同耶宣府耶將軍者許耶武臣不習武奈彼四夷西內樹旗皇介夜馳鳴礮烈火嗟嗟辛苦 王肅敏公集楮袍將軍謠萬壽山前播大鼓楮袍將軍號威武三邊健兒猛如虎左提戈右跨弩外廷言之楮袍怒牙旗閃閃軍門開紫茸單甲如雲排大同來宣府來 震澤稿絕句少年天子重邊功烏帽戎衣手角弓行徧漁陽來上谷並無曠騎到雲中戒庵漫筆單甲之制比甲稍長比披襖減短正德間創自武宗近士大夫有服之者

明宮雜詠卷四

武宗上

七 湘溪館叢書

高昌兵馬本如霜十丈龍旗映日黃天子親搗珠絡鼓來迎破陣小秦王

野獲編正德初內臣于喜以鐘鼓司選入舊入此者例無他選謂之東衙門諸監局所不齒于以長軀偉貌偶得選改爲傘扇長隨但日侍雉扇間亦賤役也一日出外同伴侶坐至河橋時新暑各解衣置闌干上語旁一人過熟視于曰公何姓旦夕且大貴于大喜起詢之則曰從此卽得蟒玉掌內外柄極富貴者十年然命止此過其期則仍如今日眾譁駭而侮誚之其人且云只三日內吾言驗

當來取賞諸公皆其證也于還內正值午節武宗射柳命諸璫校獵苑中設高麗陣仍設莫離支爲吏將比立御營則上自纛下親申號令以唐兵破之敗者行軍令能入者與蟒玉諸內侍雄健者策馬以往屢衝不得入左右曰如于喜長大或可任此上回顧頷之異擐甲胄帶假髻作小秦王裝束儀形頗偉岸可觀甚愜上意命以所御龍駒借之喜據鞍揮策馬顧見喜狀素所不習大驚狂鶩直突莫離支中軍各營披靡解散天顏大怡卽賞蟒玉如約時從玉河橋還正三日矣

附錄六首

側室胡淑蓉初

霓旌搖曳鳳城開
春草茸茸玉輦來
鈿鼓銀箏花外轉
射生宮女試龍媒

千番腰鼓隱春雷
錦幄飄揚講武臺
花裏聲聲呼

明宮雜詠卷四

武宗上

六 湘濠館叢書

萬歲霓旌雙引鳳輿來

女運儀窈雲

銅輦經過五鳳樓
南城春暖柳條柔
旌旗十萬旋風轉
回鶻紅妝半欲羞

春草離離徧教場
中官飛騎出明光
一時宣賜黃金豆
齊到階前謝玉皇

女運輿窈雲

液池春水浸紅霞
禁柳風吹拂絳紗
今日君王教內戰
迎來佳麗七香車

樓閣參差紫氣開
教場走馬鼓如雷
君王宣喚江
平鹵風颭霓旌
照水來

明宮雜詠卷四

武宗上

九

湖深館叢書

明宮雜詠卷四終

明宮雜詠卷五 武宗下

威武南巡歌六首 附錄二首

威武北征凱歌二首

正德小樂府十二首

王浣衣 你兒干 臧奉鑾 剃度師

大烟火 氈帳房 廊下酒 寶和店

龜茲樂 汎光湖 懸毬車 鎮國府

脫簪行

虎城歌

明宮雜詠卷五目錄

一 湘深館藏書

豹房歌

綠綺臺歌

御河房三首 附錄五首

宣府二首 附錄二首

溫泉弔王妃

五爵小樂府十二首

觀五爵小樂府六首

觀五爵小樂府六首

觀五爵小樂府六首

明宮雜詠卷五 武宗下

長沙 饒智元 珊叔

威武南巡歌六首

翠華南幸靖妖氛幕府新開龍武軍燈火夜明淮海

月旌旗春捲蔣山雲

武宗外紀宸濠反傳旨宸濠悖逆天道謀為不法殺巡撫等官傳聞已至湖口將犯南京即令總督軍務威武大將軍總兵官後軍都督府太師鎮國公朱壽親統各鎮邊兵征剿 又十二月朔至揚州前此太監吳經先駕至揚州選民居壯麗者改為提督府將駐驛焉且矯上意刷處女寡婦民間汹汹有女家掠寡男配偶一夕殆盡乘夜奪門出逃匿門者不能止知府蔣瑤詣經懇免經大怒曰

明宮雜詠卷五

武宗下

湘陰館叢書

汝小官敢爾汝頭不愁去頸耶瑤不為動徐曰小官抗上意分應死但百姓朝廷之百姓倘激生他變恐將來責有所歸故以告非敢抗也經怒稍解揮使去經乃密覘寡婦及倡優家夜半遣數騎促開城傳呼駕至令通衢燃燭光如晝經乃率官校徑入所知家摔諸婦出有匿者破垣毀壁必搜得乃已無一脫者 哭聲震遠近

舞罷雲翹春未回傳呼綵仗出城來百花能解君王

意不待東風已徧開

近峯紀畧正德戊寅冬駕幸揚州河冰方合上問何時當解江彬對曰立春然尚有旬餘日也上曰春迎之即至耳焉能俟之命迎春於揚州之東郊明日百花盛開河水流漸臣民駭觀 武宗外紀十五年正月立春上迎春於南京備諸戲劇魏國公徐浦尚書喬守等復稱賀於行在所

黃旗風掣畫輦催親把雕弓月樣開十里蕪城春草
綠紅妝飛騎日邊來

武宗外紀上自以數騎獵揚州城西遂幸上方寺
自此數出獵大擾賴劉姬諫而止獨總兵神周矯
旨至泰州搜取鷹犬括居民百餘人充獵手束循
草場大獵三日僅得獐兔數隻復欲獵海濱值道
潦不果

赤羽牙旗落照翻御營笳鼓正喧喧道旁父老扶鳩

杖問是高皇幾葉孫

武宗外紀命禮部上大駕親征祭告禮儀上服皮
弁乘革輅備六軍祭告天地太廟大社及禡饗軍
牙六纛之神乃親詔發駕京師又南京山東河
南淮揚等處文武官皆以迎送車駕戎服徒行道

明宮雜詠卷五

武宗下

二 湘溪館叢書

路間無
復貴賤

清塵風閃赤龍竿沛上雲生駐馬看夾道旌旄呼萬

歲干營鏡吹入淮安

武宗外紀過淮安都御史叢蘭總兵官顧仕隆等
呈進賀功金牌并花紅綵幃上戎服簪花鼓騎入
城

窄衫盤鳳照銀鞍行幄天清怯嫩寒馬上又逢重九

節黃花開後好回鑾

武宗外紀九月乙卯值萬壽節文武百官各遙賀
於奉天門外是日過德州不泊而行諸從臣亦於
舟次望拜之上復至臨清數日始南行又重陽
節競進菊花經山陽縣學入視廊廡諸肖像移時

復入教官舍取資治通鑑出 又十二月上將還
京先命禮部上獻俘禮儀 史竊九月上始北旋
及淮安都御史及鎮兵官金牌綵
帳出迎上戎服簪花鼓吹前導

附錄二首

女
運璵 窈雲

傳呼御仗鼓聲催花外旌旗曉霧開馬上紅妝齊
度曲玉簫吹引翠鸞來

馬上嬌鬟抱玉箏江樓樹鎖月華明春風吹動簷
鈴索楊柳千條鳴咽聲

威武北征凱歌二首

雪滿弓刀虜絕蹤勒兵三度出居庸車前十丈紅雲

明宮雜詠卷五

武宗下

三 湘深館叢書

起萬騎騰驤欲化龍

火毬飛起照勾陳得勝門前綵幃春獸鎧鸞鵠齊下
拜將軍傳令莫稱臣

武宗外紀十三年正月車駕將還京禮部具迎駕
儀令京朝官各朝服迎候而傳旨用曳轍大帽鸞
帶且賜文武羣臣大紅紵絲羅紗各一其綵繡一
品斗牛二品飛魚三品蟒四品麒麟五六七品虎
彪翰林科道不限品級者皆與馬惟部曹五品以
下不得與其與者裁製一夕皆就及明各服以迎
駕於是科道爭諫不納詰旦上還自宣府是日文
武羣臣皆曳轍大帽鸞帶迎駕於得勝門外中官
預傳上意具綵幃數十綵聯數千皆金織字序詞
惟稱威武大將軍不敢及尊號眾官列名於下亦
不敢稱臣及備羊酒白金綵幣手紅梵夾子稱賀
上戎服乘赤馬佩劍來邊騎攢擁遙見火毬起戈

牙間烟直上乃知駕至羣臣齊伏道左叩頭上下
馬坐御幄間大學士楊廷和奉觴梁儲注酒蔣冕
捧果榻毛紀擎金花二稱亦知之乎廷和等頓首謝上遂
河親斬首鹵一級亦知之乎廷和等頓首謝上遂
馳馬由東華門入宿於豹房時大雨雪百官迎駕
者僕馬相失曳走泥淖中夜半得入城有幾殆者
又上御奉天門陳示應州等處所獲達寇刀械
衣器令羣臣縱觀 弇州山人稿正德宮詞平明
東閣下恩綸獸鏡鸞鵲色色新大內別開元帥府
傳聲侍女莫稱臣 國朝山左詩鈔正德內教場
歌詔發關西豹旅兵上林苑內引霓旌一時六郡
良家子爭唱榆關塞上行 華泉集迎鑿曲自采
民風問老農微行不遣近官從那知天子闢天象
到處雲成五色龍 石磯集北征還朝凱歌牙旗
寶蓋耀星文持鹿牽羊總百羣二
十四通催羯鼓帳前齊賀大將軍

正德小樂府十二首

明宮雜詠卷五

武宗下

四

湘深館藏書

王浣衣

昔爲方士妻今爲帝王妃時時感異夢始終王浣衣

彤史拾遺記浣衣王滿堂者霸州民王智女也以
麗色嘗與選嬪宮旣而罷歸耻不肯適人又時時
感異夢謂必有趙萬興者來聘當許之其人貴不
可言里中僧出入智家知其夢聞以語人道士段
銀挾妖術聞之遂潛易姓名且賂僧使僧先一日
謂姓名曰我趙萬興也智家歡呼羅拜之遂妻以
滿堂銀乃出妖書轉相煽亂有嶧縣儒生潘依道
孫僭杖策至陰受其術時背人行主臣禮於是銀
遂僭號改元大順平定往來牛蘭神仙二山間久
之銀出行新城民掩獲銀并得其妖書撫按以聞
詔斬銀與依道爵三人西市乃特降中旨令勿殺
滿堂没入之以官奴送浣衣局旣而召入侍豹房
大幸世宗嗣位復出浣衣局人謂之王浣衣云

你兒干

十二金釵進君王帶笑看筵前西域舞再得你兒干

武宗外紀有言錦衣衛都督同知于永善陰道秘術遂召入豹房與語大悅永色目人進言同回女哲潤而嗟榮大勝中土時都督呂佐亦色目人永矯旨索佐家回女善西域舞者得十二人以進歌舞達晝夜願猶以爲不足乃諷上請召諸侯伯中故色目籍家婦人入內駕言教舞而擇其美者謂之不令出一日永侍飲觀舞酒酣呼永使即家召其女來時有言永女殊色故以召永詐匿其女飾鄰人白回子女充名以入上以爲真也悅之永畏其泄陽爲風痺固乞去以其子承襲指揮諸色目家雖切齒然無敢發者又回回進女你兒干外國竹枝詞注回回附舶香山濠鏡澳貿易正德中進女爾兒干于承獻中秘方

明宮雜詠卷五

武宗下

五

湖溪館藏書

臧奉鑾

玉帶何纍纍伶兒都拜賜昨日教坊司今朝奉鑾使

宸垣識畧正德中樂長臧賢甚被寵遇曾給一品服相傳教坊司門曾改方向形家相之日此當出玉帶數條聞者笑之未幾有所幸伶兒入內不使詔盡宮之使入爲鐘鼓司後皆賜玉查嗣琛雜詠詩云粉子勾欄各擅長承恩別院侍君王終憐不及伶兒寵賜玉新來滿教坊武宗外紀上稱豹房日新宅日召教坊樂工入新宅承應久之樂工懇言樂戶在外府多有今獨居京者承應不均乃勅禮部移文取河間諸府樂戶精技業者送教坊承應於是有司遣官押送諸伶人日以百計皆乘傳續食及到京畱其技精者給與口糧勅工部相地給房屋大小有差又教坊司左司樂臧賢以疾求退有旨勉起供職未幾即陞爲奉鑾以寵之又上夜微行至教坊司觀諸樂所用器物

剃度師

祝髮在深宮聽經徹宗旨誰為剃度師八葉漢天子

武宗外紀上於佛經梵語無不通曉乃陞大隆善寺禪師星吉班丹為國師 又西宮大答應宮人有願祝髮為尼者上作剃度師親為說法置番經廠中

大烟火

附壁黃龍燈流蘇錦幔鞞一炬阿房宮何如大烟火

武宗外紀王自即位後每歲宮中張燈為樂所費以數萬計庫貯黃蠟不足復令所司買補之至九年甯王宸濠獻新樣四時燈數百窮極奇巧臨獻復令所遣人親入宮懸掛其燈製不一多著柱附壁以取新異上復於延軒間依欄設氊幙而貯火藥于其中偶勿戒遂延燒宮殿自二漏至明乾清

明宮雜詠卷五

武宗下

六 涇深館叢書

以內皆灰燼矣當火勢盛時上猶往豹房省視回顧光燄烘烘然笑曰是一棚大烟火也

氊帳房

氊帳為齋宮漢皇用胡禮迴環一百間合署將軍邸

武宗外紀敕陝西進上用鋪花氊帳房一百六十間令鑣巡等官太監廖堂都御史陳壽依式捍造凡重門堂廡庖廐涵涌及戶牖椿楹影壁圍幕地衣之類皆具且有壇內游幸出哨毘聲息諸名號凡一年乃成自後上出郊祀皆御帳房不復宿齋宮矣

廊下酒

廣袖紅羅裾廊下獨當壚那知天子貴猶愛酒家胡

西河詩話張南士仿王建宮詞百首有云牆邊漿婦漱花綺廊下酒家銜酪紅註云漿家房在皇城

外卽浣衣局也御酒房後牆有街曰長連又一街曰短連總曰廊下家答應長隨多住此賣酒京師稱廊下內酒家相傳武宗曾遣宮人雜扮墟婦親貰酒歌宿卽此宸垣識畧正德開朝廷開設酒館酒望云本店發賣四時荷花高酒有二扇一云天下第一酒館一云四時應飢食店

寶和店

大啟寶和店身衣估人衣卻笑東昏侯只擁一潘妃

武宗外紀嘗游寶和店令內侍出所儲攤門身衣估人衣首戴瓜抓自寶和至寶延凡六店歷與質易持簿筭喧詢不相下別令作市正調和之擁至廊下家廊下家者中官住永巷賣酒家也箏箏琵琶嘈嘈然坐當爐婦於其中雜出牽衣蠶簇而入漢茶之頃周歷諸家凡市戲跳猿驢馬鬥雞逐犬所至環集且寶宮人於勾欄扮演侑酒醉卽宿其處如是累日西河詩話寶和六店宮中儲材物處一寶和二和遠三順甯四福德五福吉六寶延武宗嘗扮商估與六店貿易

明宮雜詠卷五 武宗下 七 湘溪館叢書

龜茲樂

善解龜茲樂承恩侍豹房微聞呼馬舅只怕諫臣章

彤史拾遺記馬昂妹豹房供奉女也美豔江彬白之上時已適畢指揮有娠上令中使召迎之至豹房馬氏善騎射解于闐龜茲諸樂能道番語遂絕幸馬氏一門無大小皆賜蟒衣內廷中官呼昂爲舅賜第太平倉東上嘗從數騎過飲其第六科都給事中呂經等言近聞間住將官馬昂獻其有孕女弟輒見狎愛且略內降已超授昂右軍都督臣等惶懼不知所爲夫以失身之婦而寵奪宮闈必其人及禍况其身已失也今昂及子弟出禁闥楊釗之寵重見今日昔者王氏封侯黃霧四塞昂今拜官異亦若是恐失今不治漸致難測伏乞誅昂

并斥孕婦以遠禍水御史徐文華亦言中人之家
尙耻再醮之婦以萬乘之尊而顧有是誰爲陛下
進此者罪可族也竊料其熒惑聖聽不過曰是姬
殊色多技能而又宜于陛下悅彼甘言誤蒙寵納
已昏未昏有身無身皆進所不計萬一防杜濶疏而
不韋李園之徒抵隙以進所繫豈細故哉且陛下
降等威制尊嚴與昂兄弟子姪媒服共坐或同卧
起賞賚無章倖臣皆降禮而莫敢抗其權寵可知
矣馬姬專寵於內昂等擅權于外欲禍機不發得
耶俱不報未幾六科都給事中石天柱等又言馬
昂進納孕婦臣等已疏論迄今再旬未蒙進止豈
陛下之意將爲其有身諱與奈以呂易贏而贏亡
晉以牛易馬而馬滅彼二君者特不知而墮其計
耳今陛下知之而復爲之何也萬或陛下急于宗
嗣踪跡曖昧真僞咋舌宜立賜裁決蚤絕覬望御
史程啟充等又言內寵爲嬖是謂女戎外寵爲幸
是謂男戎妹喜伐夏妲己伐商褒姒伐周此女戎
也莽卓伐漢賈趙伐晉安史伐唐此男戎也夫兵

明宮雜詠卷五

武宗下

八 湘孫館叢書

戈之顯伐易知而中菁之伏機難測馬昂兄妹寵
擅後宮子姪無賴雜處中禁臣等昧死有言未蒙
聖斷夫昂本驕淫暴橫而濟之以姦馬姬柔佞多
能而濟之以媚是兼內外之戎於一家積夏商周
漢晉唐之患於一時也復不報後上幸昂第酒酣
召昂妾昂忤上旨上怒起昂懼乃謝病歸既後得
劉美人而
馬氏寵衰

汎光湖

日落汎光湖秋風翼輕舸積水不可漁水深幾殺我

武廟逸事正德十四年十一月己未上至寶應漁
汎光湖十五年閏八月庚申上至寶應復漁汎光
湖 武宗外紀還至清江復幸太監張楊第踰三
目自泛小舟漁于積水池舟覆溺馬左右大恐爭
入水掖之而出
自是遂不豫

懸毬車

車聲何班班飛度居庸關懸毬數百乘瓔珞雜雲鬘

武宗外紀是年冬立春上迎春於宣府備百戲別飾大車數十輛雜坐僧人婦女於其中每輛數十人合至數百乃如僧數懸毬於車蓋而傲僧頭以當之車既馳則頭與毬觸上視大笑以爲樂

鎮國府

堂堂鎮國府五丈黃龍旗前軍夜行獵所獲非熊羆

武宗外紀九月駐蹕宣府時江彬宣府人欲挾上自恣遂誘爲西北之行既幸宣府遂營建鎮國府第上居之樂遂忘歸每夜行見高屋大房卽馳入或索飲或搜其婦女居民苦之後軍士樵蘇不繼至毀民房屋以供爨市肆蕭然白晝戶閉

明宮雜詠卷五

武宗下

九

湖陰館叢書

脫簪行

潞河春水連天碧楊柳絲絲怨離別挽髻輕抽碧玉

簪殷勤爲繫同心結君王走馬出蘆溝葉葉春衣照

翠流幾向人閒求寶劍微聞天上落銀鈎翠華南下

臨清道詔遣萌車迎窈窕從官都拜李師師妙舞惟

憐蘇小小相約恩深話別時相迎符節竟忘持齊姜

堅守漸臺信華女猶張野處帷桃葉渡頭春浪疊輕

橈我自來迎接荒草連天獐兔肥維揚城外天王獵

慷慨樊姬撤玉腴脫簪承巷止同車莫捐菅蒯嫌微

陋試讀騰禧諫獵書

彤史拾遺錄劉美人亦稱劉夫人太原民劉良之女晉王府樂戶楊騰名下妓也正德十二年上幸大同駐蹕偏頭關遍索女樂於太原美人偕眾妓雜進上遙見美人悅其色及聆謳大喜遂從榆林還再召之載以歸命爲美人大見寵幸初居豹房後漸入西內專寢飲食起居必與偕言事輒聽左右或觸上怒陰求之輒一笑而解江彬諸近侍雖甚貴倨見必觸首以母事之呼之曰劉娘娘後上將南征陰移美人至潞河約駕先發而隨以他舟迎美人美人脫一簪贈上行且以爲信曰見簪而後起上藏簪衣間過蘆溝馳馬失簪大索數日不獲去及至臨清州上遣中使召美人美人辭曰不見簪非信不敢赴上乃獨乘舸晝夜行傍徨至張家灣親迎美人載而南當上發臨清時倉卒內外從官無知者既而有數人追及之亦寥甚民船爭榜見上舟不能避抵獨譏詞湖廣參議林文灝衝

明宮雜詠卷五

武宗下

十湘深館叢書

上舟過怒止之入其舟奪一妾行及上至揚州每以數騎獵揚州城西止宿上方寺後遂無厭屢出獵馳突不測美人諫乃止時又稱爲夫人自上寺至南京所臨寺觀旛幢錦繡梵貝夾冊有爲上所錫資者悉署上與夫人劉氏名字其上金釐退食筆記騰禧殿在旃檀寺之西覆以善琉璃瓦明武宗西幸悅樂伎劉良女姿容婉麗善謳遂載以歸居騰禧殿俗呼爲黑老婆殿傍有古井曰王媽媽井兩般秋雨巷隨筆明武宗幸清江浦駐尚書金濂第以後樓居劉美人劉性愛花當時供頓必進鮮花朵日凡數次後入呼其樓曰劉美人簪花樓

虎城歌

樞星下射騰威光南山白額馴且良君王窄衫日憑視曼胡勇士冠纓長入圈擊豕轅生智上殿當熊馮

后剛會當騎虎游八極劍光截斷崆峒岡檻中日授
將軍俸搖尾欲食干黃羊惜哉武皇處全盛脂膏填
得牲口房

燕都游覽志虎城在太液池之西北隅脾睨其上而阱其下阱南爲鐵門關而竇其南爲小窰小窰內有鐵柵如籠以檻虎者虎城西北隅則有豹房崇禎遺錄西內有虎城蓄虎豹旁有牲口房養珍禽奇獸上曰民脂民膏養此何用遂殺虎賜近臣餘皆縱之五雜俎禁苑中四方鳥獸畢備其不可馴者盛以樊籠有鷲鳥高六七尺諸禽獸皆畏之不知其何名也獨無虎豹獅子之屬相傳先朝皆蓄以備游玩至今上中年尙有虎數隻一夕上夢虎齧左足覺而腓痛疑其崇令司苑者勿與食餓殺之內一虎甚大長丈許餓至二十四日方死呼聲動地自是不復蓄焉

明宮雜詠卷五

武宗下

十一

湘濠館叢書

豹房歌

豹房金碧五雲表連樓密殿天不曉武皇自製秋風
歌笛中吹落小黃河接天金翅飛天鵝西征牧馬玉
山禾羽林搜取千明駝翠華南狩選姪娥吏人日供
十斛螺車箱閉置空倭佗含情掩淚抱雲和君王醉
倒金叵羅那識曲中哀怨多珠羈翠眊鳴玉珂五坊
小兒奈若何

武宗外紀興造太素殿及天鵝房船塢諸工又別構院築宮殿數層而造密室於兩箱勾連櫺比名曰豹房初日幸其處既則歇宿比大內令內侍環值名豹房祇候羣小見幸者皆集於此武宗

實錄七年添修豹房屋二百餘間費銀二十四萬
餘兩穀城山房筆塵唐時給役禁中多名爲小
兒如花籃小兒飛龍小兒五坊小兒是也五坊者
德宗所立曰鷓鴣房鷓鴣房鷓鴣坊狗房漢有狗監
正德中豹房皆是此意

欽定圖書集成長安宮女行長安城頭夜二鼓力士
敲門稱大府爲道君王巡幸勞選取嬌娥看歌舞
應酬未得話從容階除早已人三五倉皇便欲將
我行那肯相畱到天曙平昔嬌癡在母傍黃昏不
敢出前房如今却向何處去似墮淵海身茫茫四
更未絕五更連父母相隨大府前頃刻回頭同伴
至亦有爺娘各慘然雖同閨里不曾親那得相逢
及此辰清泪俱含未妝面愁魂不附體傾身天明
却轉雙輪疾送我城東坐宮室生來雖在成寧城
目中誰識京兆驛已看閨閣隔重天乍度昏朝似
千日中有數人不甚愁聞之乃是勾欄流平生誰
浪輕去住却說能觀五鳳樓望承恩寵心雖別思
到家鄉淚亦流纔言欲去去何忙翠幕油車已道

明宮雜詠卷五 武宗下

三 湘錄館叢書

傍少小生離還死別傍人見我空傍徨嬌憐姊妹
不得訣父母送我澆水陽相看痛哭各捨去此時
欲斷那有腸城裏家家錦繡簾我輩姿容豈獨妍
東家有女如花萼旦入黃金名已落西家有女如
玉瑩夜剪烏雲晨不行我輩無錢兄弟劣坐使芳
年成訣別渡河波渭還渡汾千山慄盡雲紛紛江
流山館猿常哭葉落郵亭雁屢聞自從墮地誰窺
戶此際無家却望雲迢迢千里歲還窮大封才得
到行宮常言朝見何曾見深院蕭蕭盡日封當今
天子說神武時向三邊乘六龍近時雙蹕駐榆塞
不知何日來雲中轉眼還成正月未忽然天駕還
沙漠見說天壇禮未修還兼太廟春當禴宮師暫
欲駐鸞旂屬車還載娥眉歸却向豹房三四月欲
近龍顏真是稀宮中景色誰曾見豹房花徒撲
面有眼但識鴛鴦氏有身那到麒麟殿鳳舟時泛
西海渚採蓮不喚如花女鸞駕常操內教場何曾
湯火試紅妝茶飯每排新寺裏不用明眸兼皓齒
空有倡家色藝高隨人望幸亦徒勞宮花枉自羞

妝面御柳何人鬪舞腰君王不御人轉賤盡日誰
來問深院日給行糧米半升大官空有珍羞饌旁
人見我入天闈謂我將承帝主恩豈知流落還愁
恨榮寵何曾但淚痕妾家雖貧未甚貧絲麻布帛
亦遮身有時亦繡鴛鴦枕翠線金針度一春
鸞鏡不停妝機杵言忙若不忙寒食清明邀等件
銀釵羅髻亦風光父母如同掌上珠去年才許城
東夫乘龍跨鳳雖未必並宿雙棲亦不孤百年光
景誰曾見一旦榮華土不如當時同輩聞我說珠
業可憐拋却入君門九夏三秋那可言風雨苑深
同白晝星河樓淺共黃昏我曹豈是無傾國問道
君王不重色宮禁幽深誰不知蹤跡民間頗堪測
漢家多欲稱武皇元宗好色聞李唐衛氏門前誇
揖客楊鈞海內無三郎主上今來十四年劉瑾朱
靈並擅權往時勢焰東廠盛近日威名遊擊偏巨
張谷馬紛紛出那有皇親得向前又聞親受于永
戒大葷不御思長年更寵番僧取活佛似欲清淨

明宮雜詠卷五

武宗下

三 湘深館藏書

超西天君王賤色分明是乃用當時詔旨傳當時
陝西有廖大此事恐是茲人專滔天罪惡思固寵
逢迎却乃進嬋娟去年氈帳云欽取狗馬年來俱
奉旨何曾竟有君王詔此曹播弄常如此自從陝
西有斯人災禍年來何太頻閭里已教徒赤壁聞
闈還遣閉青春青春零落不須論別有淒涼難具
陳同來女伴原有少一半已爲泉下塵妾身雖在
那常在溝渠會見骨如銀誰家願作朝天戶此世
空爲墮地人中朝高官氣如虎朝廷有闕爭拾補
近時扣闕諫南巡何不止書放宮女先朝罷殉有
故事萬一官家肯相許 武宗外紀上嗜飲嘗以
杯杓隨左右欲乘其醉以自便復預備瓶罍故所
至輒醉醒卽復進以爲常 明宮史牲口房提督
太監一員僉書數員收養異獸珍禽有虎城羊房
燕都游覽志豹房在
西苑太液池西北隅

綠綺臺歌

豐湖湖水傷心碧柳色深藏江令宅走馬臺空夢有
痕門雞局散春無迹主人愛客錦帆開金管銀簫水
調催抱出御琴名綠綺白頭中令不勝哀云是康陵
御前器唐朝武德畱遺記珠徽如月照人寒鳳唳迎
風多古意武皇旌旆度燕山馬上高彈雪暗天大漠
風沙三出塞薊門秋葉七條絃吟鞭迴指江南路月
落烏啼曲如訴積翠池邊春水生玉鉤斜畔花光暮
珍重先皇手澤餘後來轉入鄜中書嵇康音絕廣陵
散抱琴北向哭蒼梧可憐碧血埋芳草遺琴猶在金
吾老通德淒涼說故宮龜年哽咽談天寶江皋雲樹
黯斜曛萬頃春波漾縠紋莫奏雍門流水曲灞亭誰
識故將軍

道後堂集綠綺琴爲武宗毅皇帝內府之器其名
綠綺向藏於中書舍人鄭露家庚寅冬舍人殉難
朔方健兒得之以鬻於市金吾葉卿見而歎曰噫
嘻是御琴也解百金贖歸暇日泛舟豐湖命客一
彈再鼓靜志居詩話湛若蓄二琴一日南風宋
理宗宮中物一日綠綺臺唐武德年製明康陵御
前所彈也蔣之翹天啓宮詞注絃索止唱北調
有以南曲入之名歌章色正德間顧仁至北傳者

御河房三首

馳道江皋繞綠楊朱樓畫閣盡相望雲鬢十四顏如

明宮雜詠卷五

武宗下

古

湘濂館叢書

玉怕捲珠簾看內妝

湖海樓集廣陵雜感瀟灑風流漢武皇鑾輿三月
下雷塘錦裘夜獵張公子寶瑟晨彈呂氏倡豈爲
微行樂萬乘還聞端拱賴三楊隔江十四樓中女
多少珠簾學內妝 華泉集迎鑾曲潮落江門煙
水秋雲帆月下過揚州兩京馳
道三十里夾岸垂楊接御溝

髮髻妝成翠葉明內家前隊鐵驄行盈盈一水秦淮

渡好唱桃根打槳迎

武宗外紀漁於儀真之新閘因視大江命江彬攝
祭明日幸民黃昌本家閩大監張雄及守衛馬昞
所選妓以其半送舟中渡江至南京 又工部奏
浣衣局所養婦女甚夥歲用柴炭至十六萬劬今
再請增給許之以是時巡幸所過其閩選婦女多
畱浣衣局故也 馬文肅集秦淮曲萬騎南巡正

明宮雜詠卷五 武宗下 五

湘涿館叢書

德年內家前隊鐵連錢白衣舞罷乘鸞去應有霓
裳曲未傳 西原集燕姬玉袖抱箜篌馬上常隨
翠輦游春來照影秦淮
水愛殺江南雲母舟

潮落秦淮畫舫遲冶城秋盡柳如絲欲彈威武南巡
曲又是瀟瀟暮雨時

板橋雜記教坊梨園單傳法部乃威武南巡所遺
也 續板橋雜記桃葉渡在青溪曲處對岸爲御
河房相傳前明威武南巡曾經駐驛水榭外垂柳
千絲拖煙漾月暑窗徙倚清風徐來不待帷展紫
綃始消塵燠也 秣陵集徐中山東園一名太傅
園在武定橋東城下王弇州名園記謂武宗南幸
於此設釣今釣魚巷得名以此 有學注紹興周
錫圭字禹錫好聽南院頓老琵琶曰此威武南巡
所遺法曲也 國朝金陵詩徵徐文治居金陵父
有邸舍一區在秦淮爲明武宗巡歷處名御河房

秦淮間見錄武皇時趙
燕如善音律徵入供奉

附錄五首

繼室張起鳳 晚芬

秦淮秋盡水迢迢綠柳紅蕖隔石橋吹徹玉笙聲
漸歇西風捲入碧天遙

側室胡淑 蓉初

江上宮車問碧流傷心舊事怨殘秋何堪夢入秦
淮閣暮雨瀟瀟一段愁

女運璵 宛雲

飛塵深鎖繡簾垂柳色青青十萬絲樓前夜半簷

明宮雜詠卷五 武宗下 六 湘溪館叢書

鈴語不似南巡譜曲時

畫欄九曲映清波深夜宮車出御河橋下燈船紅

十里秦淮春色月華多

津亭紅燭照清宵十四樓中未寂寥琵琶譜出南

巡曲夜雨瀟瀟過板橋

宣府二首

宣府銅龍第威稜靜九邊鳴笳回朔漠傳箭踏燕然

小隊芙蓉仗天人霹靂弦樓蘭猶未斬武帳拭龍泉

午夜寶刀鳴君王砥虜營雪花千帳凍權火萬山明

朵衛來降表榆關撤戍兵紅妝飛騎去遮面挾銀箏

武宗外紀上度居庸關歷懷來保安諸城堡遂駐蹕宣府初江彬勸上於宣府治行在越歲乃成糜費不可計復輦豹房所儲諸珍寶及巡游所收婦女實其中上甚樂焉每稱曰家裏還京後數數念之不置彬亦欲專寵俾諸幸臣不得近數導上出及再度居庸仍戒守至是更以宣府為家矣又大內初以豹房為家至是更以宣府為家矣又凡車駕所至近侍先掠良家女以充幸御至數十車在道日有死者左右不敢聞且令有司餼廩之別具女衣首飾為賞賚費遠近騷動所經多逃亡上不知也又上駐蹕大喜峯口招來朵顏三衛夷人花當把兒孫等納質至關宴勞畢還京又自上宣府抵西陲往返數千里乘馬腰弓矢衝風戴雪備歷險阨有司具輦以隨亦不御至是還宣府奄寺從人皆疲憊弗支而上不以為勞也

明宮雜詠卷五

武宗下

七

湘深館叢書

附錄二首

側室

胡淑

蓉初

帳下酣歌舞霜花冷繡衣寒雲沈鼓角殺氣動旌旗亭埃千烽急煙塵萬馬飛漢兵鏡吹曲一夜滿

金微

女運儀 窈雲

輦路關山月歸心接素秋旌旄橫大漠烽火徹邊州永夜笳聲壯連朝殺氣愁樓蘭今逐北奴虜盡

封侯

溫泉弔王妃

隨輦薊門城溫泉九曲盈暖香浮玉蕊白氣動珠纓
賜浴三千女承恩第一名阿環才思劣不解賦華清

列朝詩集王妃燕京人能詩工書以才色得幸於
武宗侍幸薊州溫泉題詩自書刻石今石刻尚存
松亭行紀薊州湯泉有明武宗宮人王氏詩云
塞外風霜凍異常水池何事暖如湯溶溶一派流
今古不爲人間洗冷腸 西河詩話遵化溫泉在
州北福泉山下明萬歷間始發石爲池而覆以房
武宗時有宮妃王氏曾題以詩自刻小石畱壁闕
世祖章皇帝嘗以坐湯故敕建宮其旁更以白玉石
發池擴而新之 筠廊偶筆遵化溫泉可熟物其
源湧出投以錢搖搖如蝴蝶久之始下月夜遙望
氣如白虹余童年隨先文康往游見正德宮人題
詩有溶溶一脉流千古不爲人間洗冷腸之句

精華錄訓纂明季宮人題故宮詩新
發湯泉咽不流纒亘畝側野棠秋

明宮雜詠卷五

武宗下

六

湘溪館叢書

明宮雜詠卷五終

明宮雜詠卷六 世宗上

嘉靖宮詞二十四首 附錄十六首

金海放燈詞二首

西苑雜詩十首 附錄十首

萬歲山 太液池 承光殿 瓊華島

藏舟浦 芭蕉園 樂成殿 南臺

兔園山 平臺

明宮雜詠卷六目錄

一 湘濠館叢書

兔園山 平臺

藏舟浦 芭蕉園 樂成殿 南臺

萬歲山 太液池 承光殿 瓊華島

西苑雜詩十首 附錄十首

金海放燈詞二首

嘉靖宮詞二十四首 附錄十六首

明宮雜詠卷六 世宗上

明宮雜詠卷六 世宗上車 詠尚河水 颯風來

長沙 饒智元 珊叔

嘉靖宮詞三十四首

玉真朝罷繞池行 花裏銀燈暗復明 三十六宮秋月

冷何人清夜學吹笙

宸垣識畧西苑齋宮獨大高元殿以有三清象設至今崇奉尊嚴內官宮婢習道教者俱於其中習儀明夏言有宮燭熒煌太乙壇之句 長安客話楊四知高元殿詩高元宮殿五雲橫先帝祈靈禮太清鳳輦不來鐘鼓靜月明童子自吹笙

玲瓏宮殿五雲開 九曲池光影翠臺 清磬一聲天外

明宮雜詠卷六

世宗上

湘陰館叢書

落太平天子在蓬萊

宸垣識畧兔園山在瀛臺之西由大光明殿南行巖石為山穴山為洞東西分徑紆折至頂殿曰清虛下暗設銅甕灌水注池殿側作九曲池邊多奇石名小蓬萊中有旋磨臺螺盤而上其巔有瑩皆陶埏雲龍之象明世宗禮斗於此

露光紅溼牡丹叢 葉葉春衣拂曙風 行到椒園齊下

馬綠雲深處是齋宮

宸垣識畧明時崇智殿後藥欄花園有牡丹數十株又名椒園有宮眷法從人等至此下馬二石碑是世宗設醮時所立中元作法事放河燈

錦芳亭子壓微波 清夜宮車繞御河水 殿風來香滿

扇芙蓉葉上露珠多

宸垣識畧清馥殿度金釐玉螭橋轉北明世宗常奉興獻太后來游有翠芳錦芳二亭荷花盛開紅衣翠蓋澄漪倒水恍如蓬壺宮殿額名清馥殿前有丹馨門錦芳翠芳二亭嘉靖十一年三月建香乘枕頂香印作枕板陰乾自大內出者旁有嘉靖年造填以金字鐫作扇牌等用甚香

紅牆銀漢隔層樓花底聞傳第五籌約伴提燈西內

去玉河橋上怕蟠蚪

耳談西內海子中有斗牛卽蚪蟠之類遇陰雨作雲霧嘗蜿輿道旁及金釐玉螭坊之上世宗齋居西內宮女過見驚什宮監以聞上曰此宜處山後何爲在此駭人是夜聞跋浪跳躑之聲旦視之湖水破裂一道已徙去 弁州山人集西內宮詞花底傳籌近五更隱囊斜倚到天明寒霜不敢蒙頭

明宮雜詠卷六

世宗上

二 湘孫館叢書

坐暖閣時
聆警欬聲

綠章重疊奏清虛新進青詞錦不如萬顆香丸金鏤

合殿頭宣賜顧尚書

翰林志凡太清宮道觀薦告詞文用青藤紙書朱字謂之青詞 湖海樓集顧尚書家御香歌憶惜初賜長安街金甌天下猶無缺至尊桂殿日齋居千首青詞錦不如綠章夜上龍顏喜第一勳名顧尚書嵯峨紫塞榆關道白雁黃沙風浩浩萬馬奔騰夜有聲三關蕭瑟春無盜尙無辛苦鎮居延絡繹黃封賜日邊非關小物君恩重爲許香名國史傳鏤金小盒宮門出中涓一騎紅塵疾親題萬顆小金丸猶是昭陽內人筆只令滄海看成田畝得天香幾百年擺來綺神人誰問熏罷銀篝味不全

玉樓銀殿雪婆娑西水橋邊凍不波一霎胡牀冰上

過主兒飛渡北花河

西河詩話甬東葉天樂有宮詞四首皆明季遺事
其一曰春風冉冉入乾清武庫芒銷太乙兵西水
橋邊冰未泮北花河畔草先生鐸針枝個頰公府
抹布刀兒賜御營不道朝回無一事公卿倚醉只
聽鶯按西內太液池玉河橋下長至冰合競作木
牀牽渡冰上如飛謂之拖牀世廟晚年以修真多
居西內嘉靖王寅正月十六日皇太子自宮中往
觀以拖牀渡閣臣夏言詩云胡牀穩坐渡層冰是
也

桂葉香飄寶月亭夜深涼露浸銀屏雙鬢不好霓裳
舞長伴君王讀道經

明典禮志嘉靖十三年九月西苑河東亭榭成上
親定額天鵝房北曰飛靄亭迎翠殿前曰浮香亭

明宮雜詠卷六

世宗上

三湘溪館叢書

寶月亭前曰秋輝亭昭和殿前曰澄淵亭後曰耀
臺破臨漪亭前曰水雲榭西苑門外二亭曰左臨
海右臨海亭北闌口曰湧玉亭河之東曰聚景亭
改呂梁洪之亭呂梁擬前曰懋金亭翠玉館前曰
擷秀亭萬歲山後曰玩芳亭南冷集宮詞碧殿
瑤壇禮上清桂華涼露浸銀屏雙雙玉女扶青案
跪啟琅函諷道經 兪州山人集西苑宮詞梨園
子弟鬢如霜十部龜茲九部荒妬殺女冠諸侍長
大羅天上

奏霓裳

徹夜泉聲入夢長水簾高掛翠林旁踏青時節春如
海好向池頭泛羽觴

鈴山堂集小山在仁壽宮之西入清虛門磴道盤
屈巖巖皆肖小龍文疊石為峯巉巖森聳元氏故
物也中官云元人載此石自南至燕每石一準糧
若干俗呼折糧石近歲重葺一亭扁曰鑿戒亭亭

中設櫺貯書上至以備覽山頂日清虛殿俯瞰都城歷歷可見山腰累石爲洞刻石肖龍水自龍吻出噴灑若簾其前爲曲流觀螿石引水作九曲流觴又南爲瑤景翠林二亭中架石梁通東西兩池金鱗游泳大者可尺許

焚盡龍涎禮太清桂宮芝館紫雲橫長生殿上長生

火九轉仙丹幾日成

李太史集嘉靖宮詞沈水龍涎徹夜焚桂宮芝館結祥雲壇前纔布諸天位苑外先催學士文華陽集西苑卽事詩長生殿上長生火不數秦王祀寶雞

西宮夜靜月當頭荷葉香清太液秋卻下晶簾風露

冷君王猶在望仙樓

明宮雜詠卷六

世宗上

四淵溪館叢書

南冷集嘉靖宮詞君王親著紫霞裳白玉冠簪入寶光夜半碧壇星月冷九天仙樂下鸞皇黃孔昭集西苑詩雷殿清虛太液秋君王長在望仙樓

十二層城做畫屏香煙叢裏玉鑾歸明朝有事清虛

殿午夜爭裁拜斗衣

南冷集嘉靖宮詞小年選入蕊珠宮紫閣玲瓏十二重日侍上眞修法事水晶盤捧玉芙蓉弇州山人稿西城宮詞芙蓉新樣紫霞冠細擁珠琲小鳳圍一片香烟叢裏出玉眞朝罷簇迴鑾李太史集玉貌終年侍禁闈每逢時節賜金緋君王不愛纖腰舞裁作雷壇拜斗衣

離宮複道五雲浮珠箔風開燕入樓湧翠亭前春漲

活雙鬢扶上木蘭舟

南冷集宮詞離宮複道接蓬萊雲遶千峯五色開
香輦無塵珠箔捲後宮遙從上陵回 燕都游覽
志南臺在大液池之南上有昭和殿北向踞地頗
高頰眺橋南一帶景物其門外一亭不止八角柱
拱攢合極其精麗北懸一額直書趨臺坡三字降
臺而下左右解字各數十楹不施窗牖又其北濱
池一亭額曰湧翠
則御駕登龍舟處

新建西宮號壽源清齋長日住雷軒雕盤催進雲芝

脯擊過池邊祿舍門

古和稿西宮再建欽定正宮前堂曰萬壽宮後寢
曰壽源宮宮門曰萬壽門左門曰職福右門曰朗
祿後門曰承綏舍祥成瑞仍舊後過廊左曰永康
門右曰承順門宮亭名大元殿名凝一門名衍慶
殿東本四宮四十年已建萬春宮至是三宮欽定
萬和萬華萬甯其西四宮欽定仙禧仙樂仙安仙

明宮雜詠卷六

世宗上

五

湖涼館叢書

明東西二街門扁七門隨西長街向東四名自南
起常甯常和常喜常輝向西金甯若舊三門自東
起攸順攸利金瑞後二牆門迎社納康壬戌四日
立帝社帝稷坊牌安砌宮門牆拓造西連房工成
六月十三日承祐殿成七月十八日祚祥殿祚甯
殿板屋成十月三日建洪應雷宮 世宗實錄嘉
靖四十五年四月紫極殿壽源宮成百官上表稱
賀 又嘉靖四十四年十二月定新建萬法寶殿
名中曰壽慈左曰福舍右曰祿舍 日下舊聞張
承凱西苑宮詞秋殿清齋正受釐延和門外立諸
姬大官不進麒麟脯御饌惟供五色芝 沙河逸
老小稿五日席閒詠嘉靖雕漆盤聯句自注盤形
如荷葉中刻龍舟芙渠水禽之屬底有金字云大
明嘉靖年製 冬青館古宮詞注董說詩蝴蝶珍
盤出御廚秋聲夜繞護城湖竹簾
涼月澄如水繡得秦樓跨鳳圖

夜半碧壇秋月明遙聞天上步虛聲玉階立盡梧桐

影露溼羅衫夢未成

李太史集嘉靖宮詞泥金檢玉祝長生萬國封章
止進呈月滿西宮更漏永九天風落步虛聲
竈州山人稿西苑宮詞金色羅衫稱體裁鋪宮新例
一齊開菱花小樣黃金合昨夜真人進藥來
朔野山人集秋興詩銅龍春闈晚光寒金水橋橫白
玉闌見說漢皇求大藥故邀王母到長安黃金夜
獻文成竈青鳥朝翔太乙壇不是
歲星陪帝輦蟠桃誰奉殿中歡

南城七駿盡拳毛迴立長楸顧視高願借追風千里

足瑤池窗裏聽雲璈

嘉隆間見紀嘉靖十二年夏四月乙酉帝御南城
環碧殿閱馬馬有玉麟飛白玉驄照夜壁銀河練
瑤池駿飛白凡七召輔臣孚敬時獻夫鑾俟重華
殿已而召入環碧賜茗飲共閱馬又命至嘉樂館
明宮雜詠卷六 世宗上 六 湖滌館叢書
觀花木帝乘玉麟飛青蓋至重華殿進孚敬等於
左室賜酒食麟龍飛魚服帝製古樂府七言律各
二章示孚敬等
命各和以獻

翠芳亭下百花香環壁殿前春晝長學士齊簪紅芍藥一時跪拜謝君王

眉公見聞錄嘉靖辛卯上游幸南城演馬詔諸輔
臣環壁殿賜宴親麗宸翰特命賡歌又翦紅芍藥
赦簪於首又賜寶扇宮羅徘徊於翠芳殿寶月亭
間自醉學士歌而後君臣同游未有如此之盛者
賞花須及豔陽辰御製新詩屬和頻分付宮娥評甲

乙錦囊牙扇賜詞臣

嘉隆間見紀嘉靖十二年四月上幸西苑御寶月
亭召張孚敬等同游御清馥殿翠芬亭賜茗酒錦

囊詩扇紅藥花製古樂府五七言絕句各一章命
和 南泠集宮詞令節繁華燕賞新太平天子重
詞臣詩成總是宮娥品席上驚看奪錦人 戴園
集宮扇聯句自注世廟五日賜李時夏言等綵索
牙扇艾
虎等物

靈藥芳傳若木華蟾宮玉杵起雲霞白綾小袋雷軒
製徧賜長安百萬家

暖姝由筆嘉靖二十三年施藥京師爲丸凡三十
五以治百病俱有湯引以白綾作袋上刻板作印
云擬道雷軒施袋中貯銀五分作方
片嘉靖錢七枚雷軒朝廷道號也

銀燈影裏鳳凰城照見游人躡臂行十二玉樓春氣

暖天風吹下踏歌聲

明宮雜詠卷六 世宗上 七 湘濠節叢書

肅皇外史嘉靖二十一年上元上御臨風亭賜朱
孝忠等五臣宴觀燈 弇州山人稿西城宮詞鼈
山烟火冠春城步輦龍旌倒褪行忽
報大官供法酒玉音宣喚五先生

水榭浮香暑氣清羅衣消受晚風輕五雷壇上所靈

驗乞得西山雨入城

官殿額名映暉亭嘉靖二十二年四月更騰波亭
三十五年五月更滋祥亭萬曆三十年七月更香
津亭澄碧亭嘉靖二十二年六月更飛靄亭三十
年五月更湧福亭萬曆三十年七月更騰波亭凝
和殿嘉靖二十三年六月更惠熙殿四十二年三
月更元熙殿會景亭嘉靖二十二年三月更龍潭
亭萬曆三十年七月更龍湫亭承華殿浮香亭嘉
靖十三年五月建三十年六月更芙蓉亭寶月亭
嘉靖十一年三月移建延年殿嘉靖四十二年三
月建 弇州山人稿西苑宮詞五雷壇上雷一聲

海子開口雨縱橫祈靈驗後
催傳賞馬上朱提玉手擎

宮衣新樣翦芙蓉古栝陰陰覆殿濃凝道軒中初受

錄只傳牌子賜昭容

甫田集承光殿在太液池上圍以甗城殿構環轉
如蓋一名圓殿中有古栝數百年物也燕都游
覽志承光殿在太液池東一名圓殿池有大石橋
二其一跨海子東西曰金鰲玉竦其一跨瑤華島
之南曰堆雲積翠而圓殿則介其南殿前有古榆
一株傳爲金時遺植蒼勁天矯若虬龍之擎空眞
有神物呵護之者自嘉靖以來每歲給檜俸米若
千石 弇州山人稿西苑宮詞新傳牌子賜昭容
第一仙班雨露濃袋裏相公
書疏在莫教香汗溼泥封

金翹翠羽笑相扶御閣爭看壓虜符怪底帽簷光的

明宮雜詠卷六 世宗上

八 湘陰館叢書

的于金買得大秦珠

弇州山人稿西苑宮詞侍女俱傳厭虜符貓爲鐵
騎鼠爲胡掃捨一博君王喜入寶金錢踈地鋪
李太史集嘉靖宮詞小車飛曳向元都翠羽金
翹笑自扶玉竦橋邊長日市內璫爭買大秦珠

柔桑濃翠覆亭臺戴勝啼春淑氣催遙見后妃親拊

罷女官宣贊九嬪來

勝國宮闈詩張后率嬪御親蠶東郊又時率妃夫
人聽講章聖女訓於宮 江左十五家詩選李必
恆前明宮詞邠風亭子未央傍蠶室新開典禮詳
詔出內庭先演習中宮不日幸條桑 大政紀嘉
靖九年十一月張璠上言古者天子一后二妃三
夫人九嬪二十七世婦八十一女御以廣後嗣今
中宮正位有年而前星未耀宜慎選貞淑以充妃
嬪帝從之乃勅禮部選立九嬪 明會典皇后親

蠶國初無親蠶禮肅皇帝始勅禮部以每歲季春
皇后親蠶於北郊後改於西苑未久卽罷嘉靖九
年又定先期欽天監擇日以間順天府具蠶母名
數奏送蠶室內工部具鉤箔筐架及一應養蠶什
物給送蠶母順天府將蠶種及鉤箔一副進呈訖
捧自西華門出置綵輿中鼓樂送至蠶室蠶母浴
種伺蠶生先飼以待先日蠶宮令丞設皇后採桑
位於採桑臺東向執鉤箔者位於稍東設公主及
內命婦位於皇后位東設外命婦位於採桑臺東
陛之下南北向以西爲上至日四更宿衛陳兵衛
女樂工備樂司設監備儀仗及重翟車蠶宮令備
鉤箔俱候於西華門外內執事女樂生并司贊六
尚女官等皆乘車先至壇內候將明內侍詣坤甯
宮奏請皇后詣先蠶壇所皇后服常服導引女官
導皇后出宮門乘肩輿侍衛警蹕如常儀公主及
內命婦應入壇者各服其服以從至西華門內侍
奏請降輿陞重翟車兵衛儀仗女樂前導女官捧
鉤箔行於車前皇后至具服殿少憩易禮服祭先

明宮雜詠卷六

世宗上

九 湖濱館藏書

蠶祭畢更常服司賓引外命婦先詣採桑臺位南
北向女侍執鉤箔者各隨於後尙儀入奏請詣採
桑位導引女官導皇后至採桑位東向公主以下
各就位南北向執鉤者跪進鉤執箔者跪奉筐采
桑皇后採桑三條至壇南儀門坐觀命婦採桑三
公命婦以次取鉤採桑五條列侯九卿命婦以次
採桑九條採訖各以筐授女侍司賓引內命婦一
人詣蠶室尙功帥執鉤箔者從尙功以桑授蠶母
蠶母受桑縷切之以投內命婦內命婦食蠶灑一
箔訖司賓引內命婦還尙儀前奏採桑禮畢皇后
還具服殿升座尙儀奏司賓率蠶母等行叩頭禮
訖司贊唱班齊外命婦序列定贊四拜畢賜命婦
宴於殿內外并賜蠶母酒食於採桑臺旁公主及
內命婦殿內序座外命婦從採桑者及文武二品
以上命婦於殿臺上三品以下於臺下各序坐尙
食進膳司賓引公主及內命婦各就坐教坊司女
樂奏樂進酒及進膳進湯如儀宴畢撤案公主以
下并外命婦各就班司贊贊四拜尙儀奏禮畢皇

后興
還宮

沈水香消啟玉櫳梅花落盡誤春風煙橫金鎖重門

靜未許靈犀一點通

鎮江府志莊妃王氏丹徒人幼讀書性穎慧能詩
祖甲以翰官幣挈居金陵世宗初選民間女入宮
未得幸賦詩自歎有風吹金鎖夜聲多之句世宗
覽其詩憐之召當御蒙寵冊為貴妃主仁壽宮事
孝烈皇后崩椒寢虛位世宗意屬如擬冊立陶仲
文求賂不得風上以特尊母庸敵體遂寢然寵幸
冠後宮年未三十薨性恭儉戒子姓毋驕侈
兪州山人稿西城宮詞兩角鴉青雙筋紅靈犀一點
未曾通自緣身作延年藥顛顛春風雨露中
冷集宮詞一夜梅開上苑東淡烟斜月影朦朧春
魂願逐香魂去飛入君王曉夢中香添沈水熱金
鑪翠幙斜張繡被鋪卻略挑燈試裝束夜深前殿
有傳呼 野獲編補遺嘉靖餌丹藥有驗至壬子
冬命選女八歲至十四歲者三百人入宮乙卯九
月又選十歲以下者一天丹鉛云久進之可以長
供煉藥用也其法名先天丹鉛云久進之可以長
生王弼州宮詞所云靈犀一點未
曾通又云只緣身作延年藥是也

明宮雜詠卷六 世宗上

十 柳探驪歌書

銀函佛骨付灰塵恭默惟聞奉玉真阿母蟠桃初拜

賜帳中持獻白茅人

世廟識餘錄禁中有大善佛殿內供金銀佛像并
金銀函貯佛骨佛頭佛牙等物上既撤佛殿即其
地建皇太后宮 雲谷臥餘世宗欲撤大善佛殿
夏言請勅有司以佛骨瘞之中野世宗曰朕思此
物智者以為那穢必不欲觀愚者以為奇異必欲
尊奉今雖埋之將來豈免竊發乃焚於通衢毀金
銀佛像凡一百六十九座佛首佛像凡一萬三千
餘觔 明紀時陶仲文已死宮中數見妖孽帝春

秋高意邑邑不樂中官思飾詐以娛帝乙卯夜帝坐庭中獲一桃御幄後左右言自空中下帝大喜曰天賜也修迎恩醮五日明日復降一桃其夜白兔生二子帝益喜謝元告廟未幾壽鹿亦生二子廷臣表賀帝以奇祥三錫天眷非常手詔褒答

西苑波光一曲環廣寒山下蕩舟還亭臺遠近涵空

碧如在瑶池弱水間

鈴山堂集賜游西苑詩序泛金海觀於廣寒山蕩舟持楫者皆中使水光蕩漾遠近亭臺隱現金碧交輝若身造瑶池弱水之間水東日記賜游西苑記至小山子名賽瀛洲前後左右皆有殿兩傍有水閣山頂之殿狀如廣寒殿前有水出腰垂如珠簾流至石池西流從石龍口吐出復泱流山下殿前鑿石爲流觴曲水水折流至東池復南入湖中過橋亭至南臺行殿前有石砌直階下數十步

明宮雜詠卷六

世宗上

十一

瀟湘館藏書

至水中是爲釣磯皆上游幸所也 俄檀集蓬萊方丈可梯航句漏丹砂近寄將昨貯銀山高幾許試將玉尺

須知王業本岐豐稼穡艱難語後宮天子每臨無逸

殿詞臣賜坐講幽風

野獲編世宗初建無逸殿於西苑翼以幽風亭蓋取詩書義以重農務而時率大臣游宴其中又命閣臣李時翟鑾輩坐講幽風七月之詩賞賚加等添設戶部堂官專領穡事其後日事元修卽於其地營永壽宮雖設官如故而上所創春祈秋報大典悉遣官代行撰青詞諸臣雖倖直於無逸殿之旁廬而屬車則絕迹不復至其殿惟內直工匠寓居彩畫神像并裝演渲染諸猥事而已至甲辰年翟鑾二子中式被議鑾辯疏以日直無逸爲辭時上奉道已虔惟稱上元高元及元威元功而鑾推

樸尙舉故事上大怒褫逐之此
後併殿亭舊名無齒及者矣

昨夜天書下碧城元陽象一字分明通天臺上無人
見只有君王拜玉清

伐檀集西苑宮詞通天臺上接三台景命重臨清
醮開拜舞不同郊社禮科儀一一聖人裁香通紫
氣靄晴空靈貺神休集聖躬垂拱萬年如一日禮
臣何必議青宮金符寶笈護雲英鸞鶴銜將入上
清拜受玉籥龍鳳簡
元陽象一字分明

寶鼎昭回映玉旒祈年殿裏祝神休詞臣撰進芝房
曲分付西班牙菊部頭

伐檀集西苑宮詞肅將上帝祀明堂寶鼎昭回日
月光九獻不須歌舊曲詞臣昨已撰芝房陳詞瘞
明宮雜詠卷六 世宗上 三湘錄館叢書

玉奏鈞天西苑宮牆近籍田水旱恐煩洞后土未
央深處好祈年瑞氣祥雲薄海濱遠藩齊獻百千
春進來白鹿高於馬
馴擾金階不畏人

宮門深鎖誤紅顏家住江南楊柳灣手把合歡團扇
子倩人爲畫蔣玉山

豐草巷集夢華潭口聽客話嘉隆間大內舊事記
之江南風景藥王灣霧縠單衣綠玉環紅芍藥邊
某局罷自裁
團扇畫秋山

碧窗初月影紅薇花落琴牀秋露微乞巧山前拜牛
女內人齊著鵲橋衣

豐草巷集嘉隆舊事月華門外轉靈旗照夜銀盤
碧藕肥祠罷天孫桐葉落君王新賜鵲橋衣 林宗

蘇秘聞嘉靖間內
官戴竹樓精於琴

蒙茸宮帽換黃貂側坐金鞍意氣驕射得白狼天色
暮一鞭衝雪玉河橋

冬青館古宮詞注董說詩蒲萄半醉出仙臺萬歲
山前獵陣開千騎蒙茸貂鼠帽石橋飛雪帶復回
千門深鎖柳青時挾彈閒來環碧池一陣落花紅斂

簌流鶯飛過海棠枝

冬青館古宮詞注董說詩宮門過盡絳紗車環碧
池清殿影斜拾得水晶雙彈子黃鸝聲隔海棠花
柏葉千門苑柳青西宮簫鼓雨中聽
桃花不寫迎春板剪作鴛鴦貼翠屏

附錄十六首

繼室

張起鳳 曉芬

明宮雜詠卷六

世宗上

三

湘濠館叢書

西宮人靜月華明桂葉香飄露氣清秋思不知何
處著有人牆外試銀笙

側室

胡淑 蓉初

晚妝初罷倚闌干秋月明明照碧壇院院嚴更金
燼暗五銖衣薄不勝寒

層層池殿壓清波宛轉香車出御河正是豔陽天
氣好碧桃花下按笙歌

玉妃歌罷莫憑欄寶月亭前風露寒鳳輦歸來門
外度深宮深夜漏聲殘

蓬萊紫殿鎖烟霞淺碧羅衫唾石華新賜雪香團
扇子隔簾催上五雲車

精簾不卷曉妝時水滴銅壺漏刻遲盡日西宮無
箇事叢叢纖手坐圍碁

兄女
運權綺雲

石華小袖佩銀刀白馬金鞍意氣豪十萬旌旗橋
上過半江紅日豔春濤

五雲樓閣雨初晴瓊島花開暖禁城複道迴廊春
寂寂翠芳亭畔學吹笙

明宮雜詠卷六

世宗上

古
楓深館嚴書

香澹紅蕖露氣清遙遙風遞步虛聲滿簾秋月涼
如水嗚咽蟬嘶欲五更

亞字紅闌九曲池牡丹香露溼簾絲一聲清磬出
羅幕知是君王拜斗時

女
運儀窈窕雲

參差羽騎盡龍媒萬歲山前疊鼓催薄暮鳴鞭橋
上過今朝射得白狼回

風細池波漾縠紋初涼樓閣暖斜曛丹馨門外宮
車過小隊笙簫處處聞

昭和宮殿午風清桃李花開滿禁城盡日君王無
別事通天臺上祝長生

寶鴨香消夢不成朦朧宮殿欲天明承恩只有雙
鬟女猶侍君王拜玉清

銀河斜挂隔層城露點羅衫秋氣清知是君王拜
星斗天風吹下步虛聲

女運璵宛雲

十二樓頭報五更時間西院按歌聲御鑪香繞黃
金屋人靜階前秋月明

明宮雜詠卷六世宗上

五湘漆館叢書

金海放燈詞二首

中元朝拜玉清迴金海燈光上下開十丈燭龍銜炬
出千帆明蚌擁珠來

銀雁金鳧浴碧波鸞簫鳳管發清歌若非帝子游華
渚定是天孫渡絳河

金黿退食筆記芭蕉園自太液池東行半里許蒲
葦盈水榆柳被岸松檜蒼翠果樹分羅中曰崇智
殿殿後藥闌花圃有牡丹數十株轉西有亭八面
內外皆水曰臨漪亭一曰釣魚臺金魚作陣游戲
其中又一小石梁出水中自西一亭在水際曰水
雲榭十五日西苑作法事放河燈甜食房進供佛
波羅蜜嚴分宜有金海放燈詩云紅燈醖醖水悠
悠此夕眞從天上游鸞簫鳳管鳴仙吹錦纜龍旗

引御舟其二云恍驚華渚流虹照宛是綵山
駕鳳來仙人指點瑤池上萬朵金蓮頃刻開

西苑雜詩十首

萬歲山

幽窗忽已曙森沈雲樹寒西山青一抹橫過玉欄干

欽定圖書集成文徵明西苑詩後記云嘉靖乙酉春同官陳侍講魯南馬修撰仲房王編修繩武偕余為西苑之游先是魯南教內書堂識守苑官王滿是日實導余三人行因得盡歷諸勝勝既歸隨所記憶為詩十篇又萬歲山在子城東北元武門外更出北上中門為大內之鎮山高百餘丈周迴二里許金人積土所成舊在元大內今林木茂密其巔有石刻御座兩松覆之山下有亭林木陰翳周迴多植奇果名百果園馬修撰撰汝驥詩云樹裏西山對花中北極懸

明宮雜詠卷六 世宗上

六 湘深館藏書

太液池

棹歌蓮葉東月下歌聲緩暗起鯉魚風綠菱香滿滿

欽定圖書集成子城西乾明門外有太液池周凡數里水從玉泉流入延竟大內舊名西海子上跨石梁自承光殿達西安裏門約廣二尋修數百步兩涯穹翬出水中下斗門鯨獸楯欄皆白石鐫鏤如玉中流駕木貫鐵絳丹檻擊之可通舟東西峙華表東曰玉螭西曰金螭其北別駕一梁自承光達瓊華島制差小南北亦峙華表南曰積翠北曰堆雲馬汝驥詩云碧苑西連闕瑤池北映空 三易齋集石鯨鬣欲乘風紫閣重重倒影 中夜半漁人燈火散起看明月出龍宮

承光殿

碧殿五雲端欄楯相迴環長松落蒼翠陰陰生夏寒

欽定圖書集成承光殿在乾明門外圍以甕城東西
南隅闕二門入梯至巖閣雉周迴皆設睥睨中構
金殿穹窿如蓋雕欄綺綺旋轉如環俗名圓殿外
周以廊向北皆金飾垂出垣堞間甚麗北直瓊島
中有古栝二株柯幹蚪偃蓋數百年物也
馬汝驥詩云松古盤雲翠苔新帶雨班

瑤華島

笑捲珍珠簾蓬萊在咫尺葱菁烟樹中一片湖光白

欽定圖書集成瓊華島在太液池中從承光殿北度
梁至島有巖洞窈窕磴道紆折皆疊石爲之其巖
古殿結構翬起周迴綺牖玉檻重階而上榜曰廣
寒之殿相傳遼太后梳妝臺今闌檻殘壞內金刻
雲物猶彌覆楹棟間下布以文石傍一榻亦前朝
物殿前舊有四亭曰瀛洲方壺玉虹金露今惟遺
趾耳詳見輟耕錄馬汝驥詩云碧池懸帝闕瑤島
入仙家 參龍子集玉螭橋詩正愛湖光澄素練

明宮雜詠卷六

世宗上

七 湘濠館叢書

御看人影
度長虹

藏舟浦

翠嶼花重疊銀塘水折旋輕橈泊何處蓮葉綠田田

欽定圖書集成藏舟浦在瑤華島東北過堰有水殿
一一藏龍舟一藏鳳舸舟首尾刻龍鳳形上結樓
臺以金飾之又一浦藏武皇所造烏龍船岸際有
叢竹陰屋浦外二亭出水面馬汝驥詩云鳳殿臨
瑤水龍舟鎖白雲 拘虛集龍舟
鳴詩蒼龍出海國紫鳳浴天池

芭蕉園

疏烟入蕉林澹沱成深碧幽鳥自知還蒼蒼水容又

欽定圖書集成芭蕉園在承光殿南從朱扉循東水
潄半里崇闈廣砌中一殿碧瓦穹窿如蓋上貫以

黃金雙龍頂纓絡懸綴雕櫳綺隱朱楹玉檻八面
旋匝曰崇智殿殿後一亭金飾北瞰池水轉西至
臨漪亭又一小石梁出水中有亭名芭蕉豈皆有
云釣魚臺殿前有牡丹數十株園名芭蕉豈皆有
而今獨存其名耶歷朝實錄成於此焚草馬汝驥
詩云碧荷春檻出紅藥晚階齊 拘虛集芭蕉園
詩雨後芭蕉苑春深楊柳宮倚雲懸碧檻縈霧閉
雕籠輦路回天上歌臺出水中忽聞人語笑沙畔
起鶯
鴻

樂成殿

飛雨過高閣秋聲生石泉夜來聞水碓花外月蒼然

欽定圖書集成從芭蕉園南循水過西苑門半里有
甌瀉池水轉北別爲小池中設九鳥三亭一亭藻
井鬪角爲十二面上貫金寶珠頂內兩金龍並降
丹檻碧牖盡其侈麗中設一御榻外四面皆梁檻

明宮雜詠卷六 世宗上

六 湘溪館叢書

通小朱扉而出名涵碧亭其二亭制少樸梁檻惟
東西以達厓際東有樂成殿左右楹各設龍牀殿
後小室亦設御榻皆宣皇遊歷處也殿右有屋設
石磨二石碓二下激湍水自動蓋南田穀成於此
春治故曰樂成馬汝驥詩云池龍蟠九鳥苑鳥下
層城 拘虛集涵碧亭涵轉雲車急花深月殿閒
世廟聖政紀要嘉靖十年八月帝御無逸殿之
東室曰西苑舊宮是朕文祖所御近修葺告成又
曰無逸之作雖以勸農而勤學之意亦在其中今
用宴以落成之經筵日講官俱與仍各進講七月
詩無逸書
各一篇

南臺

稻花香滿村茅簷接清瀨何處搗衣聲寥寥水雲外

欽定圖書集成南臺從樂成殿度橋轉南一徑過小
紅亭二百餘步林木深茂內有殿曰昭和皆黃瓦

傍有水田村屋先朝於此閱稼馬汝驥詩云灌木
晴湖合高花午榭移燕都游覽志南臺在太液
池之南上有昭和殿北向踞地頗高類眺橋南一
帶景物其門外一亭不止八角柱拱攢合極其精
麗北懸一額直書趵臺坡三字 薊邱
集趵臺坡詩春湖泛綠水華林積清樾

兔園山

臺殿俯喬林松蘿懸石級潛龍時一吟天河夜飛入

欽定圖書集成從南臺達西堤過射苑有兔園其中
疊石爲山穴山爲洞東西分徑盤紆而上至平砌
又分繞至巔布甃皆陶埏雲龍之象砌上設數銅
甕灌水注池前玉盆內作龍盤昂首而起激水
從盆底一竅轉出龍吻分入小洞由前殿九曲注
池中殿傍喬松數株參立百藤縈附於上復懸蘿
下垂池邊多立奇石名小山子馬汝
驥詩云壁金翻竹色檻玉落藤陰

明宮雜詠卷六

世宗上

九 湘深館叢書

平臺

樹色接勾陳苔痕沾碧瓦落日下平蕪蕭蕭看調馬

欽定圖書集成平臺在太液池西隄出兔園東北臺
高數丈中作圓頂小殿用黃瓦左右各四楹接棟
稍下瓦皆碧南北垂接斜廊懸級而降面若城壁
下臨射苑背設門牖下敞池有馳道可以走馬乃
武皇所築閱射之地又後左門左翼室亦曰平臺
今上曾召見內閣諸臣於內閣詩馬汝驥詩云曲
臺通太乙複
道蕭勾陳

附錄十首

萬歲山

女運儀 窈雲

花舞欲凌雲風清香露冷捲簾明月來高峯落松

影

太液池

側室

胡淑

蓉初

花蕊露光濃蘭橈花裏逢花深無去路湖水綠溶溶

承光殿

女

運儀

窈雲

春暖承光殿松陰蘸碧波西山日已暮蒼翠晚來

多

瑤華島

兒女

運權

綺雲

碧水澹斜曛瓊島五雲靄樓閣似蓬萊迢遞青松

明宮雜詠卷六

世宗上

三

湘滌館叢書

外

藏舟浦

女

運儀

窈雲

何處起歌聲遙隔桃花塢月明蘭棹歸飛過藏舟

浦

芭蕉園

側室

胡淑

蓉初

石上苔痕綠宮娥掃落紅芭蕉含曉露蒼翠撲簾

櫳

樂成殿

女

運儀

窈雲

雨過池荷碧青山橫翠螺泉聲入西苑飛蕊逐清

波

南臺

兄女
運權 綺雲

樓外鷓鴣啼萋萋柳色迷隔坡聞笑語人在水亭

西

兔園山

兄女
運權 綺雲

碧樹含雲氣蒼山吐月華洞天深避暑笑剖綠沈

瓜

平臺

兄女
運權 綺雲

射圃日將暮松陰多晚涼笙歌何處起鳳輦出昭

明宮雜詠卷六 世宗上 三 湘濠館叢書

陽

明宮雜詠卷六終

